

四庫全書

史部

欽定四庫全書

史部

欽定歷代職官表卷

六十九  
七十

內閣中書<sub>臣</sub>沈颺覆勘

纂修兼校勘候選知縣<sub>臣</sub>范灃

謄錄監生<sub>臣</sub>朱錫卣

欽定四庫全書

欽定歷代職官表卷六十九

王府各官表

使	長	三代秦漢後漢三國晉	宋齊
		梁陳	北魏
		北齊	後周
		隋	唐
		季宋	遼
		金	元
		明	



校騎驍

領佐

領參屬府

中尉

中尉

中尉

中尉

中尉

中尉

中尉







王府各官

國朝官制

親王府世子郡王府長子長史各一人

正三品

貝勒司儀

長一人

正四品

掌總府中之政令率僚屬以各共府事員額並順

治八年定乾隆十八年奏准諸王長史貝勒司儀

係首領官若僅於所屬官內簡補恐有遷就嗣後

員缺於下五旗前鋒護軍驍騎各奏領及世職官

與所屬應陞人員簡擬正陪送部引

見補授凡王府以下各官自五品以上出缺引

見補授六品以下咨送兵部補授

散騎郎親王府四人世子郡王府三人長子二人

掌佐長史理府事皆以世職領之初制每旗各設

散騎郎無定員雍正四年定制各王屬下散騎郎

仍舊選充貝勒貝子等散騎郎俱停止

護衛親王府二十人

一等六人從三品二等六人從四品三等八人從五品

世子

十七人

一等六人二等五人三等六人

郡王府十五人

一等六人二等四人三等五人

長子十二人

一等二人二等四人三等六人

貝勒十人

二等六人三等四人

貝子

六人公四人

俱三等護衛

掌隨護宿衛王府護衛自二等以下均帶藍翎初

制為正品乾隆十九年護衛典儀俱改為從品

典儀親王府六人

從四品二人從五品二人從六品二人

世子五人

從四品一人

人從五品從六品各二人

郡王府四人

從五品從六品各二人

長子三人

從五品二人

人從六品一人貝勒二人

從五品一人從六品二人

貝子三人

從六品一人從七品二人

公三人

從七品一人  
從八品二人

掌儀節導引

五旗王公府屬叅領旗各五人

從三品

佐領旗各七人

從四品

品驍騎校每佐領下二人

從六品

掌王府所屬旗籍之政令凡田賦戶口出納盈縮

之數綜其實而稽之

管領親王府四人郡王府三人

正六品

掌王府文移及遣委之事

典膳親王府一人郡王府一人

從六品

掌王府之膳羞

司庫親王府二人郡王府二人

從七品

掌會計王府之庫藏

司匠親王府四人郡王府四人

從八品

掌王府繕造修葺之事

牧長親王府四人郡王府三人

從八品

掌王府之牧事親王府馬羣牧長二人牛羣羊羣

牧長各一人郡王府馬羣牛羣羊羣牧長各一人  
歷代建置

謹案三代時封建諸侯列國皆設官分職以治  
其民其法制備見於經傳兩漢晉宋諸侯王之  
官亦皆國官也宋齊梁陳以至隋唐諸王有府  
官有國官然兩漢以降王公率無分土所謂國  
官者乃虛名耳至宋置府官而國官不設亦變  
通之道宜然也哉

朝所設王府各官因事制宜劑繁簡而協於中其  
官名職掌有在昔本為府官者有在昔為國官  
而今王府亦設之者亦莫非斟酌損益以適乎  
古今之宜也

### 三代

周禮天官太宰乃施典于邦國設其叅傅其伍陳

其毆置其輔

鄭康成注參謂卿三人伍謂大夫五人  
毆衆也謂衆士也王制諸侯上士

二十七人其中士下士各居其上  
之三分輔府大庶人在官者也

謹按太宰職設其參置其伍參謂參卿伍謂伍大夫是侯國無論同異姓皆得設三卿五大夫然周初封同姓諸侯其設官之盛如左傳定四年祝佗曰分唐叔懷姓九宗職官五正註云五正五官之長疏云殷時為五行官長襄二十五年傳自六正五史三十帥注云六正三軍之六卿蓋晉初封國已立五正故其後增至六正是周初建同姓之國其設正或不止參卿矣明

堂位虞氏官五十夏后氏官百商二百周三百  
凡四代之官魯兼用之然則魯建官職且得同  
於王朝漢同姓諸侯王設官之盛蓋本周制也  
然當時諸侯君國子民卿大夫以下皆以分理  
一國之事其規制與今日王府官本自不同今  
第錄周禮太宰職以誌緣起而並不以著於表  
云

秦

未置

漢

漢書百官公卿表諸侯王國有太傅輔王內史治國民中尉掌武職丞相統衆官羣卿大夫都官如漢朝景帝中五年令諸侯王不得復治國天子為置吏改丞相曰相省御史大夫廷尉少府宗正博士官大夫謁者郎諸官長丞皆損其員

謹按百官公卿表謂天子為置吏改丞相曰相即後漢志云國家惟為置丞相御史大夫以下

皆自置之是也漢紀宣帝詔膠東相王成治有  
異等其秩二千石隸釋三公山碑頌云願明公  
垂恩罔極保我國君洪氏謂以明公稱山之神  
國相為國君東海廟碑有東海相南陽桓君山  
陽滿君蓋漢自今諸侯王不得治國國相實專  
司國政其職與太守無異故國除為郡則以國  
相為太守郡建為國則以太守為國相並非兩  
官漢稱太守為府君故碑有國君之稱耳又百

官公卿表載中尉掌武職漢舊儀載中尉與王相爭權常不和考荀悅前漢紀載梁王以公孫詭羊勝為中尉號將軍蓋中尉掌武職故得將軍之名蓋將相權相抗也又百官公卿表謂內史治國民成帝時省內史更令相治民漢紀載元鳳元年戴王薨後宮有遺腹相內史不以奏本始元年廣川王去有罪內史相劾收責之以此知相與內史凡事皆相濟故相可以兼內史

之職也

後漢書百官志皇子封王其郡為國每置傅一人  
相一人皆二千石本注曰傅主導王以善禮如師  
不臣也相如太守有長史如郡丞○中尉一人比  
二千石本注曰職如郡都尉主盜賊郎中令一人  
僕一人皆千石本注曰郎中令掌王大夫郎中宿  
衛官如光祿勳自省少府職皆併焉僕主車及馭  
如太僕本注曰太僕比二千石武帝改但曰僕又

皆減其秩治書比六百石本注曰治書本尚書史  
名大夫比六百石本注曰無員掌奉王使至京師  
奉璧賀正月及使諸國本皆持節後去節謁者比  
四百石本注曰掌冠長冠本員十六人後減禮樂  
長本注曰主樂人衛士長本注曰主衛士醫工長  
本注曰主醫藥永巷長本注曰宦者主宮中婢使  
祠祀長本注曰主祠祀皆比四百石郎中二百石  
本注曰無員○侯國每國置相一人其秩各如本

縣本注曰主治民如今長不臣也但納租於侯以  
戶數為限其家臣置家丞庶子各一人本注曰主  
侍侯使理家事列侯舊有行人洗馬門大夫凡五  
官中興以來食邑千戶以上置家丞庶子各一人  
不滿千戶不置家丞又悉省行人洗馬門大夫

漢紀孝惠紀改諸侯王相國為丞相景帝紀初諸  
侯得自除吏御史大夫以下官屬擬于天子國家  
惟置丞相黃金印自吳楚反之後奪諸侯權為置

二千石去丞相曰相銀印其後惟得衣食租稅而已貧或乘牛車時樂布有功封歙侯為燕相有治迹民為之立生祠中元三年罷諸侯御史大夫官元帝紀令諸侯相位在郡守下

洪适隸釋司隸從事郭究碑竹邑者侯國屬沛尚和者鉅鹿之邑漢列侯大者食縣置相一人其秩各如本縣主治民如今長爾高陽令楊著碑漢之王國相則秩二千石侯國相纔與令長等耳思善

者汝南之小國碑首題以高陽者叢爾國不若壯哉縣也

王應麟玉海漢諸侯王官有廐長私府長中御府長食官長常侍長史治書

謹按漢諸侯王國設官為備有表志所不載而散見於紀傳者如路溫舒為廣陽私府長龔舍為楚王常侍馬宮為楚王長史又廐長見王尊傳食官長見梁王襄傳尚食監見馮唐傳又史

記淳于意為齊太倉長而齊有中御府長信亦  
見意傳又宋書百官志云前漢王國已置文學  
亦兩漢表志之所未載也漢初參用封建之法  
諸侯王地大人衆備設衆官以治國事與三代  
時列國無異其後諸侯王不得治民王國之官  
員數品秩並加減損又皆朝廷為置不得自置  
晉宋以降所置王國官大率沿漢制而增損之  
今國官既廢而府官之護衛典儀典禮實即漢

時王國郎中令衛士長僕及食官長之職也又  
漢時王國有長史與今王府長史名同然漢王  
國置相職與郡太守同其長史即郡丞之職今  
王府長史乃沿宋齊以後府官之名與漢之王  
國長史名同而實異矣

玉海為太傅者韋孟唐生於楚賈誼於梁夏侯始  
昌於昌邑韓固於清河師丹彭宜慶普於東平韓  
嬰於常山伏理於高密戴德於信都丁姓於中山

鄧彭祖於真定衛綰於河間杜林於東海

疆封東海王重

選官屬以林為傳時諸王傳或多交游惟林有召必至

何敞於濟南為相者

曹參石慶於齊董仲舒於江都膠西張敞於膠東

王尊於東平褚太於梁孔霸於高密內史則梁之

韓安國楚之何武中尉則昌邑之王吉淮陽之韋

元成王式為昌邑王師以三百五篇諫吳王濞傳有

太子師傳河間獻王立毛氏詩左氏春秋博士高

帝時諸侯得除內史以下漢獨為置丞相梁孝王

以至親故得自置相二千石傳寬為齊右丞相或  
者侯國亦有兩相乎漢興諸王侯皆自治民聘賢  
楚三聘龔舍為常侍東平憲王辟林撫為西曹掾  
尋以為師友

### 三國

杜佑通典魏定制凡國王公侯伯子男六等有保  
傅相常侍侍郎郎中令中尉大農文學友謁者大  
夫雜署令丞

晉

晉書職官志王置師友文學各一人景帝諱故改師為傳友者因文王仲尼四友之名號改太守為內史省相及僕有郎中令中尉大農為三卿大國置左右常侍各一人省郎中置侍郎二人典書典祠典衛學官令典書丞各一人治書四人中尉司馬世子庶子陵廟牧長各一人謁者四人中大夫六人舍人十人典府各一人

謹案晉潘尼贈陸機出為吳王郎中令詩云帝  
曰爾諧為王卿士俯僂從命奚恤奚喜晉職官  
志以郎中為王國三卿之一故陸機為吳王郎  
中令而潘尼詩有卿士之稱又晉傳咸集載理  
李含表云臣州秦國郎中令始平李含忠公清  
正才經世務實有史魚秉直之風蓋晉世郎中  
令位列三卿首故特重其選也

宋齊梁陳

宋書百官志宋氏以來一用晉制雖大小國皆有  
三軍晉制典書令在常侍下侍郎上江左則侍郎  
次常侍而典書令居三軍下矣江左以來公國則  
無中尉常侍三軍侯國又無大農侍郎伯子男惟  
典書以下又無學官令矣吏職皆以次損省焉

宋太宗以來皇子皇弟雖非都督亦置記室叅軍  
南齊書百官志諸王師友文學各一人○國官郎  
中令中尉大農為三卿左右常侍侍郎上軍中軍

下軍三軍典書典祠學官典衛四令食官廩牧長  
謁者以下公侯置郎中令一卿

通典齊王國諮議文學等官公侯置郎中令一人  
唐六典注宋齊諸王令藩鎮者有長史一人梁陳  
公府並有一人

隋書百官志梁皇弟皇子府置師長史司馬從事  
中郎諮議參軍及掾屬中錄事中記室中直兵等  
參軍功曹史錄事記室中兵等參軍文學主簿正

叅軍行叅軍長兼行叅軍等員嗣王府則減皇弟  
皇子府師友文學長兼行叅軍藩王府則又減嗣  
王從事中郎諮議叅軍掾屬錄事記室中兵叅軍  
等員○王國置郎中令將軍常侍官又置典祠令  
廟長陵令典醫丞典府丞典書令學官令食官長  
中尉侍郎執事中尉司馬謁者典衛令舍人中太  
夫大農等官嗣王國則惟置郎中令中尉常侍大  
農等官藩王則無常侍

通典梁王國置傳相

公以下則臺閣為選置之皆掌之百姓事

郎中令

將軍常侍典書令典衛長

伯子無典衛

典祠以下自選

備上諸官多同前代若王加將軍開府則置長史

司馬及記室掾屬祭酒主簿錄事等官屬嗣王則

惟置郎中令中尉常侍大農藩王則無常侍制與

後漢同○陳親王起家則為侍中若將軍方得有

佐吏無將軍則無府止有國官皇弟皇子府置師

長史司馬從事中郎諮議叅軍友掾屬記室等官

其嗣王藩王府則遞減之王國置郎中令將軍常侍典祠令舍人等官其嗣王藩王則遞減其員

玉海齊竟陵王子良開西邸招文學梁武帝與沈約謝朓王融蕭琛范雲任昉陸倕等並游焉號曰八友梁皇弟皇子友各一人

謹案魏晉以降王國之官大率依仿漢制宋皇子皇弟雖非都督亦置記室叅軍自此以降諸王既置國官又別置府官後世王府官實始於

此

北魏

魏書官氏志諸王師第三品上諸王友從第四品  
下王家尉第七品中王家史從第九品下太和二  
十三年高祖復次職令諸王師第三品皇子長史  
皇子司馬從第三品始蕃王長史始蕃王司馬第  
四品皇子諮議叅軍事皇子友二蕃王長史二蕃  
王司馬從第四品皇子之開府從事中郎始蕃王

諮議叅軍事三蕃王長史二蕃王諮議叅軍事三  
蕃王司馬第五品皇子之開府掾屬皇子郎中令  
皇子錄事叅軍事三蕃王諮議叅軍事皇子文學  
皇子功曹記室戶曹倉曹中兵叅軍事皇子功曹  
史從第五品始蕃王錄事叅軍皇子大農第六品  
二蕃王錄事叅軍皇子主簿皇子列曹叅軍事始  
蕃王功曹記室戶曹倉曹中兵叅軍事功曹史二  
蕃王功曹記室戶曹倉曹中兵叅軍事功曹史三蕃

王錄事叅軍皇子之間府祭酒王公國郎中令皇子中尉從第六品皇子叅軍事皇子列曹行叅軍始蕃王主簿列曹叅軍事三蕃王功曹記室戶曹倉曹中兵叅軍事功曹史二蕃王主簿列曹叅軍事皇子行叅軍始蕃王列曹行叅軍三蕃王主簿列曹叅軍事王公同大農第七品皇子常侍二蕃王叅軍事二蕃王列曹行叅軍事始蕃王行叅軍三蕃王叅軍事三蕃王列曹行叅軍侯伯國郎中

令皇子侍郎從第七品二蕃王行叅軍王公國中尉第八品侯伯國大農皇子長兼行叅軍皇子上中下將軍皇子中大夫王公國常侍子男國郎中令皇子典書令從第八品王公國侍郎侯伯國中尉太子叅軍護督始蕃王長兼行叅軍皇子典祀令皇子學官令皇子典衛令王公國上中下將軍王公國中大夫第九品始蕃王叅軍督護二蕃王長兼行叅軍子男國大農從事九品

北齊

隋書百官志後齊王置師一人餘官大抵與梁制  
不異○皇子王國置郎中令大農中尉常侍各一  
人侍郎二人上中下三將軍各一人上中大夫各  
一人防閣四人典書典祠學官典衛等令各一人  
齋帥四人食官廐牧長各一人典醫丞二人典府  
丞一人執書二人謁者四人舍人十人諸王國則  
加有陵長廟長常侍各一人而無中將軍員上中

大夫各減一人諸公又減諸王防閣齋師典醫丞等員侯伯子男國又減諸公國將軍大夫員

謹案魏時及北齊諸王皆有府官國官魏志所載諸王師友文學長史司馬諮議叅軍事掾屬錄事參軍事主簿祭酒功曹記室戶曹倉曹中兵叅軍事功曹史列曹叅軍事列曹行叅軍行叅軍長兼行叅軍督護皆府官也郎中令中尉大農常侍侍郎上中下將軍中大夫典書令典

祠令典衛令學官令廐長皆國官也隋志言後  
齊王置師一人餘官與梁同者府官也郎中令  
以下國官也

後周

通典後周皇弟皇子置友及學士等員

隋

隋書百官志皇伯叔昆弟皇子為親王置師友各

一人文學二人

郡王則無師友

長史司馬諮議叅軍事掾

屬各一人主簿二人錄事功曹記室戶倉兵等曹  
騎兵城局等參軍事東西閣祭酒各一人參軍事  
四人法田水鎧士等曹行參軍各一人行參軍六  
人長兼行參軍八人典籤二人嗣王郡王無主簿  
錄事參軍東西閣祭酒長兼行參軍等員而加參  
軍事為五行參軍為十二人○諸王置國官有  
今大農各一人尉各二人典衛各八人常侍各二  
人侍郎各四人廩長學官長各一人食官廩牧長

丞各一人典府長丞各一人舍人各四人等員上  
柱國柱國公減典衛二人無侍郎員侯伯又減典  
衛二人食官廩牧長各一人子男又減尉典衛常  
侍舍人各一人上大將軍大將軍公同柱國子男  
其侯伯減公典衛侍郎廩牧丞各一人子男無令  
無典衛又減舍人一人上開府開府公同大將軍  
子男其侯伯又無常侍無食官廩牧丞子男又無  
侍郎廩牧長上儀同儀同公同開府子男其侯伯

又無尉無學官長子男又無廩長食官長二王後  
置國官與諸王同郡王與上柱國公同國公無上  
開府以上官者上開府公同散郡公與儀同侯伯  
同散縣公與儀同子男同

謹案隋時自典籤以下府官也今大農之屬國  
官也

唐

通典唐親王府各置官屬領親事帳內二府及國

官

新唐書百官志王府官傳一人從三品掌輔正過失諮議參軍事一人正五品上掌訐謀議事友一人從五品下掌侍遊處規風道義侍讀無定員文學二人從六品上掌校典籍侍從文章東西閣祭

酒各一人從七品上掌禮賢良導賓客

自祭酒以上為王官

武德中置師一人常侍二人侍郎四人皆掌表啟書疏贊相禮儀舍人四人掌通傳引納謁者二人舍人二人諮議參軍事友皆正五品下文學祭酒皆正六品下高宗中宗時相王府長史以宰相兼

之魏雍衛王府以尚書兼之徐韓二王為刺史府  
官同外官資望愈下永淳以前王未出閣則不開  
府天授二年置皇孫府官元宗諸子多不出閣王  
官益輕而員亦減景雲以後改師曰傳開元二年  
廢尋復置廢常侍侍郎謁者舍人開成元年  
改諸王侍讀曰奉諸王講讀大中初復舊

○長

史一人從四品上司馬一人從四品下皆掌統府

寮紀綱職務掾一人掌通判功曹倉曹戶曹事屬

一人皆正六品上掌通判兵曹騎曹法曹士曹事

主簿一人掌覆省書教記室叅軍事二人掌表啟

書疏錄事叅軍事一人皆從六品上嘗付事勾稽

省署抄目錄事一人從九品下功曹參軍事掌文  
官簿書考課陳設倉曹參軍事掌祿廩厨膳出內  
市易漁改易藁戶曹參軍事掌封戶僮僕弋獵過  
所兵曹參軍事掌武官簿書考課儀衛假使騎曹  
參軍事掌廐牧騎乘文物器械法曹參軍事掌案  
訊決刑士曹參軍事掌土功公廨自功曹以下各  
一人正七品上參軍事二人正八品下行參軍四  
人從八品上皆掌出使雜檢校典籤二人從八品

下掌宣傳書教

武德中改功曹以下書佐法曹行書佐士曹佐皆曰參軍事長兼行

書佐曰行參軍廢城局參軍事又有鎧曹參軍事

二人掌儀衛兵仗田曹參軍事一人掌公解職田

戈獵水曹參軍事一人掌舟船漁捕芻草皆正七

品下衆吏二人百司問事過者一人正七品下司

閤一人正九品下貞觀中廢鎧曹田曹水曹武后

時家吏以下皆廢自典籤以上為府官郡王嗣王

不置

長吏○親事府典軍二人正五品上副典軍二人

從五品上皆掌校尉以下守衛陪從兼知鞍馬校

尉五人從六品上旅帥從七品下隊正從八品下

隊副從九品下皆掌領事帳內陪從自旅帥以下

視觀事多少乃置○帳內府典事二人正五品上

副典事二人從五品上自校尉以下員品如親事

府

初典軍以武官及流外為之領執杖帳內等秦王齊王府置左右六護軍府左右親軍府左右

帳內府

左右一護軍府護軍各一人副護軍各

二人

長史錄事參軍事倉曹兵曹鎧曹參軍事各

一人

統軍各五人別將各一人左二右二護軍府

左三右三

護軍府減統軍三人別將六人左右親

軍府

統軍各一人長史各一人錄事參軍事兵曹

鎧曹

參軍事左列將右列將各一人帳內府職員

與護軍府

同又有庫直隸親事府驅咥直隸帳內

府

選材勇為之貞觀中庫直以下皆廢親事府有

府

一人史二人執杖親事十六人執弓杖執乘親

事

十六人掌供騎乘親事三百三十人帳內有府

一人史一人帳內

○親王國令一人從七品下大

農一人從八品下掌判國司尉一人正九品下丞

一人從九品下學長官丞各一人掌教授內人食

官長丞各一人掌營膳食廩牧長丞各二人掌畜

牧典府長丞各二人掌府內雜事長皆正九品下

丞皆從九品下

有典衛八人掌守衛陪從舍人  
四人錄事一人府四人史八人

唐六典親王國令一人大農二人從八品下掌通

判國司事尉二人正九品下掌分判國司事丞一

人從九品下錄事一人府五人史十人掌付事勾稽省置抄目監印給紙筆事典衛八人掌守衛居宅事舍人四人掌供引納驅策事學官長一人掌教授內人事食官一人工正一人掌營造膳食事廄牧長二人丞二人掌畜牧牛馬事典府長二人丞二人

玉海侍讀

表丞序晉王友徐齊聘潞王文學沛王侍讀齊聘侍講四王之耶柔利正周王

侍讀徐岱正元初太子諸王侍讀

傳陸德明以經授中山王狄蕪謨為益王傅文宗將立曹王

為太子誼選師傅庾敬友王宏直為荆王友郎餘  
林以戶侍為燕王傅今授霍王府泰軍從父  
知年為王友元祭酒馬嘉運正觀初越王東閣祭  
軌為二賢人府祭酒馬嘉運正觀初越王東閣祭  
敬臣以孝行為越王張後嗣為典籤張耀卿  
西閣祭酒許王文學燕王諮議典籤為相王  
府典籤與掾邱悅文學章利器更直備顧司馬劉  
問府中號學士唐休璟為吳王府典籤司馬  
之拜相王府司馬帝錄事參軍蘇瓌擢豫王  
曰朕子賴卿以師矩錄事參軍修撰  
沛王召王勃為府修撰次平臺秘畧

謹按唐時諸王亦有府官國官而又以祭酒以  
上為王官府官又別置親事帳內二府視前代

設官為尤多而親事帳內則明時王府護衛之所由昉也漢初封建子弟參用三代之法故備置國官自景帝後諸侯王不復治民與初制已大殊迄於魏晉諸王猶有分土東晉以後諸王率不之國封國徒為虛為至唐中葉以後則出閣者亦鮮矣而猶仍漢制多置國官冗員糜祿是亦秕政之一也

## 五季

司馬光資治通鑑後唐長興四年四月言事者請  
為親王置師傅宰相畏秦王從榮不敢除人請令  
王自擇秦王府判官太子詹事王居敏薦兵部侍  
郎王瓚於從榮從榮表請之以瓚為秘書監秦王  
傳前襄州支使魚崇遠為記室

宋

宋史職官志親王府傅長史司馬諮議叅軍友記  
室叅軍主府教授小學教授傳及長史司馬有其

官而未嘗除太平興國八年諸王出閣楚王府置

諮議叅軍二員翊善二員陳王府置諮議翊善各

一員韓王冀王益王置翊善各一員後又置記室

及諸王府侍講一員並以常叅官兼充

其後多不置諮議翊

善記室或止一員

大中祥符九年仁宗初封壽春郡王置

友二員亦以常叅官兼充天禧二年進封昇王友

遷諮議仍置記室一員又皇姪皇孫侍教南北伴

讀無定數凡諸宮皆置有教授初無定員是年英

宗以宗室自率府副率以上八百餘人奉朝請者  
四百餘人而教官纔六員乃詔增置教授官凡皇  
族年三十以上者百一十三人置講書四員年十  
五以上者百十三人置講書四員年十五以上者

三百九人增置教授五員

按此當云年二十以上者  
百一十三人置講書

四員年十五以上者三百九人增置教授五員  
而誤二十為三十又衍年十五以下一十五字年

十四以下者別置小學教授十二員並舊六為二  
十七員以分教之其子弟不率教俾教授官本位

尊長具名申大宗正司景行戒責教授官不職大  
宗正司密訪以聞舊制親賢宅置講書紹興十二  
年改為府教授掌教親賢宅南班宗子淳熙十二  
年詔建魏惠憲王府置小學教授二員以館職兼  
充掌訓皇孫既長趨朝謁則不以小學名而講習  
如故自後皇姪皇孫皆置教授

玉海太平興國四年九月丁亥楊可法為皇子侍  
講八年三月己巳王適為王府諮議戴元翊善何

法姚坦等為皇子翊善邢昺諸王府侍講雍正二年五月辛未命王龜從畢士安等四人為王府記室上諭曰諸子生長深宮資良士贊導為善使日聞忠孝之道至道元年正月皇姪皇孫以教授為名孫嶺為之咸平元年正月癸酉始令諸王府記室翊善侍讀等兼南北宅教授咸平四年九月壬午劉士元為南宮侍讀祥符二年五月丁卯以講書終篇宴廣平公德彝等三年七月壬寅詔南宮

北宅大將軍以下各赴書院講讀經史天聖三年  
上曰教授非止講經宜選履行端慤者七月以張  
維翰為允弼宅教授慶厯五年二月戊子朔太宗  
正司請置善翊記室侍講詔楊中和為侍講三月  
己未詔太宗正司曰朕建置宗官開敞居第臨遣  
儒士往授經訓宜令睦親南北宅諸院教授且聽  
習文辭經典書翰功課以開元豐三年二月七日  
辛丑改諸王宮侍講為講書元祐五年喬執中徐

王府侍講八年二月六月詔皇弟大寧郡王以下  
出就外學於親王舊第置學舍置諸王說書二員  
三月二十三日賜九經孟荀揚子崇寧四年改教  
授為博士政和七年八月甲申改諸王府侍讀侍  
講為贊讀直講紹興三十年三月二十八日建王  
府置贊讀直講小學教授三十二年九月四日鄧  
王以劉度贊讀何備直講慶王以陳良祐贊讀唐  
堯封直講恭王以程大昌贊讀林栗直講乾道七

年二月八日魏王封寧國府十六日置長史司馬  
記室

謹案唐諸王有府官國官然自明皇以後諸王  
多不出閣意國官亦已漸廢矣至宋而諸王惟  
置府官不置國官可謂得損益之衷故其後因  
之而不變焉

遼

遼史百官志王傳府王傳蕭惟信重熙十五年為

燕趙王傳○親王內史府內史道宗太康三年見

內史吳家駑

原作吳家奴今據字面改正

長史參軍○諸王文

學館諸王教授姚景行重熙中為燕趙國王教授  
諸王伴讀聖宗太平八年長沙郡王宗允等奏選  
諸王伴讀

金

金史百官志親王府屬官傳正四品掌師範輔導  
叅議可否若親王在外亦兼本京節鎮同知府尉

從四品本府長史從五品明昌三年改掌警嚴侍  
從兼總統本府之事司馬從六品同檢校門禁總  
統府事文學二人從七品掌贊導禮義資廣學問  
記室叅軍正八品掌表牋書啟之事大定七年八  
月始置二十年不專除令文學兼之

元

元史百官志內史府秩正二品內史九員正二品  
中尉六員正三品司馬四員正四品諮議二員從

五品記室二員從六品照磨兼管勾承發架閣庫  
從八品掾史八人譯史四人知印通事各二人宣  
使五人典史二人至元二十九年封晉王於太祖

四鄂爾多

蒙古語宮殿也原  
作幹耳朶今改正

之地改王傳為內史

秩從二品置官十四員延祐五年陞正二品給印  
分司京師並分置官屬○延慶司秩正三品掌王  
府祈禳之事使三員正三品同知二員正四品典  
簿一員從七品令史二人譯史知印通事各一人

奏差二人至元二十七年置○斷事官秩正三品

理王府詞訟之事斷事官一十六員正三品經歷

知事各一人令史三人○典軍司秩從七品掌控

鶴百二十有六人典軍二員副使二員天德四年

置○諸王傳官庫春布哈

蒙古語庫春力也布哈  
牝牛也原作寬徽不花

今改正

太子至齊王位下凡四十五王每位下各設

王傳傳尉司馬三員傳尉惟軍惟布哈額布根

蒙古

語老人也原作

也

正鄂爾昆

地名原作幹  
羅溫今改正

三王有之自

此以下皆稱府尉列於王傅之下司馬之上而三員並設又多寡不同或少至一員或多至三員者齊王則又獨置王傅一員

明

明史百官志王府長史司左右長史各一人

正五品

其屬典簿一人

正九品

所轄審理所審理正一人

正六品

品副一人

正七品

典膳所典膳正一人

正八品

副一人

品從八奉祠所奉祠正一人

正八品

副一人

從八品

典樂

一人正九品典寶所典寶正一人正八品副一人從八品

紀善所紀善二人正八品良醫所良醫正一人正八品

副一人從八品典儀所典儀正一人正九品副一人從九品

品工正所工正一人正八品副一人從八品以上各

十四年並革伴讀四人從九品後止設一人教授無定員從九品引

禮舍人二人後革倉大使副使各一人庫大使副

使各一人倉庫副使郡王府教授一人從九品典膳

一人正八品鎮國將軍教授一人從九品長史掌王府

之政令輔相規諷以匡王失率府僚各供乃事而  
總其庶務焉凡請名請封請婚請恩澤及陳謝進  
獻表啟書疏長史為王奏上若王有過則詰長史  
曾經過犯之人毋得選用是職審理掌推按刑獄  
禁詰橫暴無干國紀典膳掌祭祀賓客王若妃之  
膳羞奉祠掌祭祀樂舞典寶掌王寶符牌紀善掌  
諷導禮法開諭古誼及國家恩義大節以詔王善  
良醫掌醫典儀掌陳儀設工正掌繕造修葺宮邸

解舍伴讀掌侍從起居陳設經史教授掌以德義  
迪王校勘經籍凡宗室年十歲以上入宗學教授  
與紀善為之師引禮掌接對賓客贊相威儀洪武  
三年置王相府左右相各一人正二品左右傅各一  
人從二品泰軍府叅軍一人正五品錄事二人正七品紀  
善一人正七品各以其品秩列朝官之次又置典籤  
司諮議官尋以王府武相皆勲臣令居文相上王  
相府官屬仍與朝官更互除授是年置王教授四

年更定官制

左右相正二品文武傅從二品泰軍從正品錄事正七品審理正正六品

副正七品紀善正七品各署典祠正典寶正典儀正典膳正典服正工正醫正並正七品副並從七

品牧正正八品副從八品引禮舍人省注九年改叅軍為長史罷王傅

府及典籤司諮議官增設伴讀四人選老成明經

慎行之士任之侍讀四人收掌文籍少則缺之尋

改王相府所屬奉祠典寶典膳良醫工正各所正

並紀善俱正八品副從八品十三年并罷王相府

陞長史司為正五品置左右長史各一人典簿一

人定王府孳牲所倉庫等官俱為雜職二十八年  
置靖江王府諮議所諮議記室教授各一人建文  
中增置親王賓輔二人伴讀伴講伴書各一人長  
史三人郡王賓友二人教授一人記室二人直史  
一人左右直史各一人吏目一人典印典祠典禮  
典饌典樂五署官各一人典儀二人引禮舍人二  
人儀仗司吏目一人其賓輔三伴賓友教授進見  
時侍坐稱名而不稱臣禮如賓師成祖初復舊制

改靖江王府諮議所為長史司萬厯間周府設宗

正一人

後各府亦漸置

郡王府增設教授一人○王府護

衛指揮使司設官如京衛王府儀衛司儀衛正一

人

正五品

儀衛副二人

從五品

典仗六人

正六品

儀衛掌

侍衛儀仗護衛掌防禦非常護衛王府有征調則

聽命於朝明初諸王府置護軍府洪武三年置儀

衛司司設正副各一人秩比正副千戶司仗六人

秩比百戶四年改司仗為典仗五年置親王護衛

指揮使司每王府設三護衛衛設前後左右中五所所千戶三人百戶十人又設圍子手二所每所千戶一人九年罷護衛府建文中改儀衛司為儀仗司增置吏目一人成祖初復舊制

謹按元明諸王就封於外皆承宋制但置府官而明時諸王府官實參用唐以前府官國官之制如長史在前代本為府官而典膳奉祠典儀舍人之屬則皆前代國官之職也至護衛之設

則又酌唐時親事帳內二府之制而用之明初  
王府長史多選耆舊為之有入為王朝官者其  
後長史諸官無復遷擢而王府體制漸替士大  
夫多不願為王府官惟世宗以興邸入承大統  
府寮多獲顯用第明之於藩王處之既非其道  
所置王官雖曰翊獲實資鈴束形格勢禁法立  
而弊生焉我

朝展親之誼超軼曩代分封諸王列邸京師盛置

官屬體制崇備而諸

皇子

皇孫出府者於府官外

特命內務府大臣總其府事而所設官府又皆由部

引

見簡授職雖係於藩邸爵實列於

皇朝無樹私植黨之嫌其頒祿之制自漢以來或領  
於司農或取諸王國而總以令制為善蓋漢時

諸侯王世有國土其所食邑皆各為私奉養不  
領於天下之經費甚至鑄山煮海富埒天家則  
其僚屬之俸給自不復頒自朝廷逮後累代宗  
藩有爵號而無分土通典所載諸王府屬並給  
士力白直防閣庶僕俸料則悉由朝給矣沿及  
前明載於會典戶部條下有王府文武官吏  
俸祿按月支給之文則以明之諸王雖就藩於  
國不得收其賦稅歲給祿米各於所封國內府

分放支而本色折色折鈔之法紛然日出所司  
因以為姦其弊殆不可勝詰我

朝定制凡王府官屬各按品食俸於戶部支領銀  
米兩給所以優其身家而策其宣力者法良意  
美為萬禩常昭之令典矣



公主府官

附

國朝官制

固倫公主府長史一人三品頭等護衛一人二等護衛二

人三等護衛二人典儀二人六品

和碩公主府長史一人四品二等護衛二人三等護衛一

人典儀二人六品一人  
七品一人

長史掌府中之政令護衛典儀各庀其政以聽于

長史舊例由內務府于閑散內

奏派補授乾隆五十一年定制凡府員不必拘定陪嫁人戶聽公主于該府家人隨便補放以告內務府而註冊焉

歷代建置

三代

經籍未見

謹案帝乙歸妹見於易象王姬下嫁載在風詩而其時館甥之選多在侯國故設官之制典籍無聞也

秦  
未置

漢

漢書百官公卿表公主所食曰邑

後漢書皇后紀漢制皇女皆封縣公主其尊崇者  
加號長公主諸王女皆封鄉亭公主李賢注續漢  
志曰諸公主家令一人六百石丞一人三百石其  
餘屬吏增減無常漢官儀曰長公主傳一人私府  
長一人食官一人永巷長一人家令一人秩皆六

百石各有員吏而鄉公主傳一人秩六百石僕一人六百石家令一人三百石也

謹案漢公主屬官其祿秩視後代最優至其設傳一人則亦倣太子及諸王而立制者也

三國

杜佑通典魏公主有家令僕丞行夜督郵○魏官第七品公主及諸國丞萬戶以上典書令及家令第八品公主家令第九品公主家僕

晉

通典晉官第八品公主家令第九品公主家丞

宋 齊 梁 陳

通典宋公主有傳令傳令不得朱服齊與晉宋同  
陳置九等公主有家令之制

北 魏

通典後魏官第九品公主家令

謹案北魏公主皆嫁于賓附之國朝臣子弟雖

名族英彥不得尚焉然考太常博士常景奏云  
婦人無專國之理婦人為君男子為臣古禮所  
不載則當時公主下嫁亦必有置邸設官之事  
而所謂公主家令亦仍列於朝臣也

北齊

隋書百官志後齊諸公主置家令丞主簿錄事等  
員

通典北齊正九品公主家令

後周 未置

隋

隋書百官志大長公主長公主並置家令丞  
各一人主簿謁者舍人各二人郡王惟減主簿員  
○公主家令視正九品

唐

新唐書百官志公主邑司令一人從七品下丞一  
人從八品下掌公主財貨廩積田園主簿一人正

九品下錄事一人從九品下督封租主家財貨出入有史八人謁者二人舍人二人家史二人

謹案唐神龍二年閏正月敕公主府設官屬或儀比親王或惟不置長史而餘並同親王若公主非皇后生官員減半其出降外藩者或特置司馬至景龍中始依舊為邑司家令丞錄事各一人出降者不置蓋唐時公主官屬較多而神龍之制則又加隆者也新書主簿一人而舊書

職官志作二人又舊志作家吏二人而新志作  
家史當有一訛也

五代

未置

宋

宋史職官志公主邑令丞邑司錄事皆存其名而

罕除

遼

未置

金

未置

元未置

明

明史職官志洪武七年公主府設家令一人

正七品

司丞一人

正八品

錄事一人

正九品

二十三年改家令

司為中使司以內使為之

謹案公主官屬自宋存其名而不除明初亦備官而其後改用庵寺若遼金元則并其名不著然固倫公主和碩公主均為

皇女體敵藩封一切統制宜從周渥我

朝定制酌古準今不襲漢唐之繁冗亦不同宋元  
以來之缺略其取人即求諸本府俾人副其事  
事充其材真不易之良法矣置員既少證古亦  
多缺故不別著為表而依前史志例類叙于王  
府各官之後以昭

國家敦睦之所推暨云爾

欽定歷代職官表卷六十九

欽定四庫全書

欽定歷代職官表卷七十

新疆各官表

伊	
犁	
將	
軍	
	三
	秦
	漢
	後漢
	三國
	晉
	宋
	梁
	陳
	北魏
	北齊
	後周
	隋
	唐
	五季
	宋
	遼
	金
	元
	明

西域都  
護  
漢  
西域都  
護

宋  
梁  
陳

安西  
都護  
唐  
安西  
都護  
唐

烏魯  
木齊  
都護  
唐

欽定四庫全書

卷七十

都護別校尉  
都護別校尉

副大都

臣大贊參

馬	伊吾司	尉	戊巳校	尉	屯田校
		尉	宣禾都	尉	戊巳校

北庭節度使 伊西節度使

制元帥

已費何  
里等處  
盛慰使  
都元帥

臣大辨協

臣大事辨





衛侍倫卡	官餉糧理管	式帖筆
<small>衛候</small> <small>戊巳校</small> <small>雅候</small> <small>西城都</small>		
		<small>西城都</small> <small>雅候</small>
	<small>西都</small> <small>護戶曹</small> <small>泰寧谷</small> <small>曹和軍</small>	<small>西城都</small> <small>雅候</small>

欽定歷代職官表

辦大事臣回部伯克

西笑  
都尉

新疆各官

國朝官制

總統伊犁等處將軍一人叅贊大臣一人

裁設  
無定

領隊大

臣五人印房司官二人筆帖式二人糧餉處司官二人

筆帖式一人駝馬處司官一人筆帖式一人卡倫侍衛

十二人

將軍統掌新疆之軍政山北山南皆聽節制叅贊

大臣叅贊軍務與將軍同駐伊犁領隊大臣分統

游牧駐惠寧城者一駐惠遠城者四

總管六人副總管七人協領十有二人佐領一百有八人防禦五十有六人驍騎校一百有八人署理營務筆帖式十人

總管分理營務錫伯一副一索倫達呼爾一察哈爾二副二額魯特二副三協領分理滿洲蒙古官兵駐惠寧城者四駐惠遠城者八佐領惠寧城十六惠遠城四十錫伯八索倫達呼爾八察哈爾十

六額魯特二十防禦惠寧城十六惠遠城四十驍  
騎校各如其佐領之數署理營務筆帖式滿洲蒙  
古二錫伯二索倫達呼爾二察哈爾二額魯特二  
俱經制之缺由伊犁所屬諸旗揀補又有領催委  
署前鋒校或給七品頂帶或給六品頂帶在卡倫  
侍衛上行走者舊無定額

總理回務頭等台吉三品阿奇木伯克一人四品伊什  
罕伯克一人五品噶匝納齊伯克二人五品商伯克二

人六品哈子伯克一人六品都官伯克一人七品密喇布伯克六人七品明伯克六人七品什和勒伯克一人七品帕察沙布伯克一人七品玉資伯克一人

阿奇木伯克總理回務伊什罕伯克副之噶匝納齊伯克掌理田賦商伯克掌征輸哈子伯克掌詞訟都官伯克掌遞送兵馬糧餉文卷一切官物及分攢差務密喇布伯克掌水利明伯克掌千戶之徵輸一切雜務什和勒伯克掌驛館薪芻諸務帕

察沙布伯克掌巡緝牢獄諸務玉資伯克掌百戶之徵輸一切雜務

烏魯木齊都統一人副都統一人

掌烏魯木齊之軍政滿洲綠旗官兵皆屬焉舊惟設安西提標綠旗五營乾隆三十六年始以滿洲兵駐防設叅贊大臣一人三十八年又設領隊大臣二人四十二年始定為今制

協領六人佐領二十有四人防禦二十有四人驍騎校

二十有四人九品筆帖式二人卡倫侍衛三人

乾隆三十七年設管理額魯特官兵總管一人副  
總管一人佐領四人驍騎校四人四十二年移駐  
塔爾巴哈台又有管理台站屯政廠務各員或由  
陝西甘肅二省除派或由伊犁調撥無定額

庫爾喀喇烏蘇領隊大臣一人

舊以侍衛駐劄屬於烏魯木齊不得自奏事其文  
移亦由烏魯木齊轉行不給印信乾隆三十五年

始請給印信仍屬烏魯木齊三十七年始定為今制

管理糧餉官一人

又有管理臺站屯政文武各員或由陝西甘肅二省除派或由伊犁烏魯木齊調撥無常員

塔爾巴哈台叅贊大臣一人領隊大臣二人

一管四營  
一管額魯

特

乾隆三十年設初駐雅爾後移駐今治

總管一人副總管一人佐領八人驍騎校八人卡倫侍衛十二人印房章京三人筆帖式三人管理糧餉官一人

總管舊駐烏魯木齊乾隆四十二年移駐

巴里坤領隊大臣一人協領二人佐領八人防禦八人驍騎校八人印房筆帖式一人

乾隆三十七年原設叅贊大臣一人領隊大臣一人協領四人佐領防禦驍騎校各十六人筆帖式

二人後改叅贊大臣為領隊大臣而以領隊大臣  
一人移駐古城協領以下等官亦分其半隨駐  
古城領隊大臣一人協領二人佐領八人防禦八人驍  
騎校八人印房筆帖式一人

並乾隆三十九年自巴里坤移駐

謹案巴里坤今為鎮西府治已列在郡縣且原  
隸版圖不在新疆之數以其為新疆北路之門  
戶而分置駐防亦與新疆一例故以領隊大臣

列新疆表中至其文武諸官則各見本門茲不  
複載

總理烏什等處叅贊大臣一人協理大臣一人  
裁設  
無定阿  
克蘇領隊大臣一人

掌烏什之政令兼統賽喇木拜城其阿克蘇一城  
舊別設辦事大臣乾隆三十一年亦併隸烏什而  
裁舊設副都統一人改設叅贊大臣以阿克蘇大  
臣移駐其領隊大臣則自喀什噶爾移駐

印房章京二人筆帖式三人管理糧餉官一人

印房章京乾隆三十一年設筆帖式舊設一員乾隆三十一年增二員管理糧餉官舊調用陝甘二省典史一員亦乾隆三十一年改用部員其換防屯田等官由陝甘二省自副將以下除派舊無常員

協領一人佐領二人防禦二人驍騎校二人護送伯克侍衛一人卡倫侍衛十有一人軍臺委署筆帖式十人

佐領防禦驍騎校俱乾隆三十一年由烏魯木齊  
巴里坤調撥移駐卡倫侍衛則舊所設也

管理回民五品阿奇木伯克一人六品哈子伯克一人  
七品明伯克一人七品密喇布伯克一人分理阿克蘇  
三品阿奇木伯克一人四品伊什罕伯克一人五品噶  
匝納齊伯克一人五品商伯克一人六品哈子伯克一  
人六品巴濟吉爾伯克一人六品伯克二人七品訥克  
布伯克一人七品都官伯克三人七品莫提色布伯克

一人七品木特幹里伯克一人七品明伯克二人七品  
阿爾巴布伯克一人七品帕察沙布伯克一人七品什  
和勒伯克二人七品伯克三人分理阿克蘇所屬六品  
阿奇木伯克一人喀勒喀勒六品阿奇木伯克一人七  
品哈子伯克一人七品密喇布伯克一人七品明伯克  
一人雅爾巴什七品密喇布伯克一人七品明伯克一  
人庫車巴什七品密喇布伯克一人七品明伯克一人  
阿克雅爾七品密喇布伯克一人七品明伯克一人哈

喇塔勒七品密喇布伯克一人七品明伯克一人哈爾  
噶額密什七品密喇布伯克一人雅爾賽喇木七品明  
伯克一人愛庫爾七品密喇布伯克一人英額阿里克  
七品明伯克一人赫色勒七品明伯克一人分理賽哩  
木三品阿奇木伯克一人四品伊什罕伯克一人五品  
噶匝納齊伯克一人六品哈子伯克一人七品密喇布  
伯克一人七品明伯克一人分理拜城四品阿奇木伯  
克一人五品伊什罕伯克一人六品噶匝納齊伯克一

人七品密喇布伯克一人七品哈子伯克一人七品明伯克一人

巴濟吉爾伯克掌稅務訥克布伯克掌營建莫提色布伯克掌回衆之教法不與政事木特幹里伯克掌售授田產與其稅務阿爾巴布伯克掌差役六品伯克掌修壩管臺七品伯克掌採銅餘伯克與伊犁同名者其所掌並同

謹案此皆乾隆三十年平定逆回後重定之制

與初制稍有異同今不具載

葉爾羌辦事大臣一人協辦大臣一人

乾隆二十六年設領隊大臣二人尋省以協辦大

臣兼理領隊事務

印房章京二人筆帖式三人委署筆帖式二十人管理  
糧餉官一人佐領二人驍騎校二人聽差坐卡侍衛十  
有三人

佐領驍騎校並乾隆三十六年設由伊犁烏魯木

齊等處調撥侍衛乾隆二十六年設初定十五員

後減二員

管理回民三品阿奇木伯克一人四品伊什罕伯克一人四品商伯克一人五品密喇布伯克一人五品訥克布伯克一人五品木特幹里伯克一人五品哈喇都官伯克一人五品帕察沙布伯克一人五品哈子伯克一人六品巴濟吉爾伯克一人六品明伯克一人六品都官伯克一人六品莫提色布伯克一人六品什和勒伯

克一人六品匝布梯墨克塔布伯克一人六品巴克瑪  
塔爾伯克一人六品哲博伯克一人六品阿爾巴布伯  
克二人六品賽特里伯克一人分理托古斯哈特五品  
阿奇木伯克一人六品哈子伯克一人六品明伯克一  
人分理英額齊盤五品阿奇木伯克一人六品密喇布  
伯克一人六品明伯克一人分理哈爾噶里克五品阿  
奇木伯克一人六品哈子伯克一人六品密喇布伯克  
一人六品明伯克一人分理和什阿喇布五品阿奇木

伯克一人分理伯什恰特五品密喇布伯克一人分理  
薩納珠五品阿奇木伯克一人分理舒帖五品密喇布  
伯克一人六品明伯克一人分理裕勒阿里克六品阿  
奇木伯克一人分理色哩克郭勒五品阿奇木伯克一  
人六品伊什罕伯克一人六品商伯克一人六品哈子  
伯克一人六品阿爾巴布伯克一人七品什和勒伯克  
一人七品巴匝爾伯克一人分理巴爾楚克六品阿奇  
木伯克一人分理塔克布依六品阿奇木伯克一人分

理坡斯恰木六品哈子伯克一人分理阿喇巴特齊六品密喇布伯克一人分理鄂湍楚魯克六品密喇布伯克一人

匝布梯墨克他布伯克掌教習經館巴克瑪塔爾伯克掌果園哲博伯克掌修造甲械賽特里伯克掌巡察街道園林果木諸務巴匝爾伯克掌市肆細務餘與伊犁諸處同名者所掌並同

和闐辦事大臣二人委署筆帖式二人

管理回民三品阿奇木伯克一人四品伊什罕伯克一人五品哈什伯克一人五品木特幹里伯克一人六品哈喇都官伯克一人七品訥克布伯克一人七品莫提色布伯克一人七品木特幹里伯克一人七品都官伯克一人七品哈喇都官伯克一人七品什和勒伯克一人分理額勒齊五品噶匝納齊伯克一人六品哈子伯克一人七品帕察沙布伯克一人七品明伯克一人分理額勒齊屬境七品密喇布伯克一人七品明伯克三

人分理玉隴哈什四品阿奇木伯克一人五品商伯克  
一人六品哈子伯克一人分理玉隴哈什屬境七品密  
喇布伯克二人七品明伯克二人分理哈喇哈什四品  
阿奇木伯克一人五品商伯克一人六品哈子伯克一  
人七品帕察沙布伯克一人七品都官伯克一人分理  
哈喇哈什屬境七品密喇布伯克三人七品明伯克四  
人分理齊喇四品阿奇木伯克一人六品哈子伯克一  
人七品密喇布伯克一人七品明伯克一人分理塔克

四品阿奇木伯克一人六品哈子伯克一人分理克勒  
雅四品阿奇木伯克一人六品哈子伯克一人分理克  
勒雅屬境七品密喇布伯克一人七品明伯克二人

喀什伯克掌採玉哈喇都官伯克掌安設臺站修  
整兵械餘與伊犁諸處同名者所掌並同

喀什噶爾辦事大臣一人協辦大臣一人

乾隆二十四年設叅贊大臣一人總理各回城事  
務又設領隊大臣一人三十一年移駐烏什改設

辦事大臣專司境內之事其協辦大臣則仍二十四年所舊設也

印房章京一人辦理回務章京一人筆帖式一人委署筆帖式六人軍臺委署筆帖式一人管理糧餉官一人印房章京辦理回務章京俱乾隆二十六年設筆帖式二十七年設管理糧餉官亦二十六年設又有駐防滿洲領隊官無常員

總管一人叅領二人防禦一人驍騎校三人聽差守卡

侍衛十有三人

總管等官俱乾隆二十四年設侍衛乾隆二十六

年設初十五員三十五年移駐塔爾巴哈台二員

管理回民三品阿奇木伯克一人四品伊什罕伯克一

人四品噶匝納齊伯克一人四品商伯克二人五品哈

子伯克一人五品訥克布伯克一人五品莫提色布伯

克一人五品木特幹里伯克一人六品巴濟吉爾伯克

一人六品明伯克一人六品都官伯克一人六品阿爾

巴布伯克一人六品帕察沙布伯克一人六品克呀克  
雅喇克伯克一人六品什和勒伯克一人六品巴克瑪  
塔爾伯克一人七品明伯克一人分理牌租巴特四品  
阿奇木伯克一人七品明伯克一人分理塔什巴里克  
四品阿奇木伯克一人分理阿斯屯阿喇圖什五品阿  
奇木伯克一人六品哈子伯克一人七品明伯克五人  
分理玉斯屯阿喇圖什六品阿奇木伯克一人六品哈  
子伯克一人七品明伯克一人分理伯什克呀木五品

阿奇木伯克一人六品哈子伯克一人六品密喇布伯  
克一人六品明伯克一人分理提斯袞五品密喇布伯  
克一人分理阿喇古六品阿奇木伯克一人六品哈子  
伯克一人分理鄂坡勒六品阿奇木伯克一人分理汗  
阿里克六品密喇布伯克一人六品哈子伯克一人七  
品明伯克一人分理霍爾干六品密喇布伯克一人六  
品明伯克一人分理克色勒布依六品密喇布伯克一  
人分理塞爾滿六品密喇布伯克一人分理托庫薩克

六品密喇布伯克一人分理托普魯克七品明伯克一人分理岳普羅克七品明伯克一人分理英吉沙爾四品阿奇木伯克一人六品哈子伯克一人六品密喇布伯克一人總理英吉沙爾五處卡倫伯克一人英吉沙爾屬賽哩克七品密喇布伯克一人

克呼克雅喇克伯克掌商賈貿易收其稅入餘與伊犁諸處同名者所掌並同

庫車辦事大臣一人

兼轄沙雅爾乾隆二十四年設

印房章京一人筆帖式二人委署筆帖式三人辦理糧  
餉官一人

並乾隆三十一年設章京原設二員三十四年裁  
一員辦理糧餉官乾隆二十四年設二十六年定  
以陝甘二省縣丞典史差充

管理回民三品阿奇木伯克一人四品伊什罕伯克一  
人五品噶匝納齊伯克一人五品商伯克一人六品哈

子伯克一人七品密喇布伯克二人七品訥克布伯克  
一人七品明伯克一人七品都官伯克三人七品木特  
斡里伯克一人七品莫提色布伯克一人七品阿爾巴  
布伯克一人七品帕察沙布伯克一人七品採銅伯克  
一人分理沙雅爾三品阿奇木伯克一人四品伊什罕  
伯克一人五品噶匝納齊伯克一人五品商伯克一人  
六品哈子伯克一人七品密喇布伯克一人七品訥克  
布伯克一人七品都官伯克二人七品莫提色布伯克

一人七品採銅伯克一人

哈喇沙爾辦事大臣一人

印房筆帖式六人管理糧餉官一人

又有管理屯政等官由陝西甘肅二省以叅將遊擊除派無常員

管理庫爾勒回民三品阿奇木伯克一人四品伊什罕伯克一人五品噶匝納齊伯克一人五品商伯克一人六品哈子伯克一人七品明伯克一人七品訥克布伯

克一人七品玉資伯克一人六品伯克一人七品伯克  
一人管理布古爾回民三品阿奇木伯克一人四品伊  
什罕伯克一人五品噶匝納齊伯克一人五品商伯克  
一人六品哈子伯克一人七品明伯克一人七品訥克  
布伯克一人七品玉資伯克一人六品伯克一人七品  
伯克一人

自阿奇木伯克至玉資伯克所掌皆與伊犁諸處  
同其六品伯克則專司查臺七品伯克則專司採

銅均乾隆三十一年設旋因移回戶於庫轍滿裁  
六品哈子伯克一員增四品阿奇木伯克一員併  
移五品噶匝納齊伯克一員七品玉資伯克一員  
前往治之後回戶仍移歸庫爾勒官制亦仍如舊  
額

吐魯番辦事大臣一人

辦事大臣初駐闡展統綠旗兵三百名乾隆四十  
二年改定今制移駐吐魯番

叅領二人佐領十有五人驍騎校十有五人印房章京一人正八品筆帖式一人委署筆帖式六人

乾隆二十六年設印房筆帖式一員後改設章京二員四十一年裁一員其筆帖式一員四十年設委署筆帖式二十六年初設十三員後裁七員又有聽差各員于內地鎮營員弁內派撥無定額

總理回務扎薩克郡王一人協理回務圖撒拉克齊二人分駐羅布淖爾五品伯克三人六品伯克七人

詳見藩屬

哈密辦事大臣二人

掌哈密之屯政與其儲積之數故其印文稱哈密  
辦理糧餉大臣而地方諸務亦並治焉

印房章京一人驍騎校一人筆帖式六人

總理回衆郡王一人

詳見  
藩屬

管轄五堡回民屯衆諸務以聽於大臣

謹案吐魯番哈密雖舊有之地以其為新疆南  
路之門戶故與巴里坤一例均列于新疆之中

歷代建置

謹案西域自漢武帝時始通中國特為置官領護其後又置都護及戊己校尉屯田車師前王庭當時自譯長城長且渠當戶而上佩漢印綬者三百七十六人然不過虛奉名號而已非能有其土宇設官以治之也建武中西域諸國復遣使內屬光武以天下初定未遑遠馭閉關謝之永平十六年始置宜禾都尉明年復置都護

永初以降或設都護或僅設校尉廢置不常唐  
初西州特置都護府設大都護以領之後復改  
為節度使亦聊示羈縻不能制其要領迨宋而  
靈夏之間方為敵境遠撫長馭非所與聞遼代  
起自滑鹽方事南征未專西顧僅置夏州蕃落  
諸使元代勃興始滅西域四十餘國其後又遣  
將入乞石迷至富郎而還於是西域之地盡歸  
統攝然大抵以諸王駙馬為行營統軍以鎮之

亦未能郡縣其地比於諸路也迨明而嘉峪設  
守啟閉不時哈密迤西棄同甌脫河套之議舉  
國震驚無論陽關以外形勢孱弱蓋不足言矣  
我

皇上御極以來德威遠播聲教遐通薄海內外悉主  
悉臣近者蕩平準部戢定回疆

天戈所指歸仁恐後由是天山南北數萬里而遙悉  
歸版宇

皇上明採金鏡因地制宜列戍開屯設官分職使綱  
目相繫臂指相維巴里坤烏魯木齊諸地已置  
郡縣而列學校其他亦皆屹然重鎮鞏固萬年  
至山南回部諸官自三品以至七品仍其舊名  
而寵以

天朝之品秩賞罰黜陟悉與內地諸官同

威德之昭宣

經綸之遠大豈惟漢唐以來所未睹抑亦三皇五帝

所莫可比倫矣謹條列縷分用彰

膚功之盛至歷代沿革謹擇其稍近今制者姑存一  
二見建置之所起而已其條名西域而未嘗實  
治其地受爵中朝而未嘗真設以官者則概不  
濫載益以見

聖代規模鴻濶為載籍之所未聞焉

三代

未置

秦

未置

漢

漢書百官公卿表西域都護加官宣帝地節二年  
初置以騎都尉諫大夫使護西域三十六國有副  
校尉秩比二千石丞一人司馬侯千石各二人

荀悅漢紀鄭吉使護鄯善西南道以攻破車師日  
逐王請降于吉遂將詣京師封日逐王為歸德侯  
吉為安遠侯使吉并護車師以西北道故號都護  
都護之號自吉始也於是吉始中西域為立幕府

治鴈壘城鎮撫諸國漢之號令頒於西域始自張  
騫而成於鄭吉

謹案都護之設在神爵二年通鑑考異謂漢百  
官公卿表作地節二年西域傳作神爵三年皆  
誤也又考西域傳云宣帝時遣衛司馬鄭吉使  
護鄯善以西數國及破姑師未盡殄分以為車  
師前後王及山北六國時漢獨護南道未能盡  
并北道其後日逐王畔單于將衆來降護鄯善

以西使者鄭吉迎之既至封日逐王歸德侯乃  
因使言并護北道故曰都護又鄭吉傳吉既破  
車師降日逐威震西域遂并護車師以西北道  
故號都護師古曰並護南北二道故謂之都今  
西域庫車為古之車師南道也伊犁在庫車西  
北北道也今伊犁將軍總轄南北二道則正漢  
都護之職矣

漢書百官公卿表戊巳校尉武帝初元元年置有

丞司馬各一人俟五人秩比六百石

謹案戊巳校尉漢官儀云戊巳中央鎮覆四方  
後漢書西域傳注云開渠播種以為厭勝故稱  
戊巳王彥賓云戊巳土也屯田以耕土為事故  
取為名顏師古則謂甲乙丙丁壬癸皆有正位  
唯戊巳寄治耳今所置校尉亦無常居故取戊  
巳為名馬融傳稱校隊按部前後有屯甲乙相  
伍戊巳為堅注謂戊巳居中為中堅諸說不同

然其為將兵屯種之職則無異說也

漢書西域列傳元帝時復置戊巳二校尉屯田車  
師前王庭

謹案顏師古百官表注云有戊校尉巳校尉則  
戊巳當是兩官考漢武帝時始置校尉領護田  
卒但以屯田校尉為稱後乃為戊巳校尉表初  
不言戊校巳校兩官徧考前書紀傳如徐普刁  
護郭欽皆兼戊巳為官稱獨烏孫傳云徙巳校

屯烏墨是特兵有戊校已校之分即顏師古亦  
謂戊已兩校為兵而於表云兩尉殆見後漢書  
西域傳元帝置戊已二校尉遂為此說蓋范蔚  
宗亦以後漢有戊校尉因謂元帝所置為二尉  
其實兩都設官之制不同後漢有戊已校尉戊  
校尉而各以校兵為名前漢有戊校已校之兵  
而尉之官稱則仍兼戊已也考通鑑載竇固奏  
復置西域都護戊已校尉以陳睦為都護司馬

耿恭為戊巳校尉屯後王部金滿城謁者關寵  
為戊巳校尉屯前王柳中城耿恭關寵一時並  
為校尉各屯一處而不分戊巳然則後漢雖設  
二尉尚得通稱戊巳又何疑於前漢之制乎

漢書西域列傳自貳師將軍伐大宛之後西域震  
懼多遣使來貢獻漢使西域者益得職於是自敦  
煌西至鹽澤往往起亭而輪臺渠犂皆有田卒數  
百人置使者校尉領護以給使外國者征和中搜

粟都尉與丞相御史奏言故輪臺以東捷枝渠犂  
皆故國地廣饒水草有溉田五千頃以上處溫  
和  
田美可益通溝渠種五穀與中國同時熟臣愚以  
為可遣屯田卒詣故輪臺以東置校尉三人分護  
各舉圖地形通利溝渠務使以時益種五穀

謹案漢馬耆國治員渠城去長安七千三百里  
即今哈喇沙爾之地漢書稱其國近海水多魚  
北史亦言焉耆土田良沃穀有稻菽粟麥去海

千餘里有魚鹽蒲葦之饒今自哈喇沙爾至漢  
輪臺渠犂屯田處約四百餘里在庫車以東所  
謂廣饒水草有溉田五千頃以上者也更以水  
經注考之輪臺最西即所謂龜茲東川水東南  
流逕於輪臺之東者也連城稍東即所謂有水  
西南流逕連城別注裂以為田者也渠犂更東  
即所謂水又屈而南逕渠犂國西又東南流逕  
渠犂城漢武帝屯渠犂即此處也則其地實毘

連相去不過幾百里在今哈喇沙爾之西南庫  
車之東南其耕墾所及視今日殊為狹隘以其  
為西域屯田設官之始錄之以備緣起而已

唐六典漢宣帝置都護長史一人

謹案都護長史蓋都護官屬之領袖如今印房  
章京之職又漢書西域傳稱班超遣掾甘英窮  
臨西海而還則都護又有掾亦如今筆帖式之  
類併附著于此

樂史太平寰宇記樓蘭國王數遮殺漢使時帝遣  
平樂監傅介子往勅其王懸首北闕乃立其弟屠  
耆為王更名其國為鄯善王自請天子曰身在漢  
久今歸單弱而前王有子在恐為所殺國中有伊  
循城其地肥美願漢遣一將屯田積穀令臣得依  
其威重於是漢遣司馬一人吏士四十人田伊循  
以鎮撫之其後更置都尉伊循官置始此矣

後漢書西域列傳永平十六年明帝乃命將帥北

征匈奴取伊吾廬地置宜禾都尉以屯田遂通西域于寘諸國皆遣子入侍西域自絕六十五載乃復通焉

李吉甫元和郡縣志納職縣後漢明帝曾於此置宜禾都尉

謹案當時未置都護則宜禾都尉專制一方如今之辦事大臣矣是亦官制之緣起故附著之  
袁宏後漢紀永平十七年冬十月竇固耿恭將萬

餘騎帥擊車師王請降於是固奏置西域都護戊  
巳校尉陳穆為都護耿恭為戊巳校尉關寵為戊  
巳校尉恭屯金蒲城寵屯柳中城相去千餘里恭  
乃移檄烏孫大昆彌宣諭威德皆遣使獻馬求入  
侍天子○永元四年十二月龜茲姑墨溫宿國皆  
降乃以班超為西域都護徐幹為長史復置戊巳  
校尉

後漢書西域列傳永平十七年始置都護戊巳校

尉

司馬光資治通鑑永元三年復置西域都護騎都尉戊巳校尉官以班超為通護

謹案後漢凡兩置都護皆如前漢為加官帶騎都尉銜蓋如今伊犁將軍之職至永初以後僅置護西域副校尉一人則又如今叅贊大臣之職也

後漢書班超列傳拜超為將兵長史假鼓吹幢麾

班勇列傳延光三年以勇為西域長史將兵五百人出屯柳中

謹案長史本都護之屬吏惟班超稱將兵長史班勇為西域長史亦稱將兵則似即今領隊大臣之職蓋名同而官異也

後漢書西域列傳永建六年置伊吾司馬一人

謹案伊吾司馬專制一方亦似今之辦事大臣後漢書西域列傳建武五年河西大將軍竇融承

制立莎車王康為建功懷德王西域大都尉弟賢  
伐立復遣使奉獻請都護帝乃因其使賜賢西域  
都護印綬敦煌太守裴遵上言不可更賜以漢大  
將軍印綬

謹案都尉將軍當如今總理回衆扎薩克郡王  
他如漢書西域列傳稱都護韓宣奏烏孫大吏  
大祿大監賜金印紫綬以尊輔大昆彌當亦如  
今圖撒拉克齊之比然昆彌既不授漢官則其

臣仍各尊其主與圖拉撒克齊為郡王之屬者  
不同故不列於表

三國

未置

謹案唐書地理志稱魏時涼州刺史領戍已校尉護西域如漢故事魏志稱龜茲于闐康居烏孫之屬無歲不奉朝貢然以涼州刺史領戍已校尉則特繫以虛銜坐鎮邊境與漢之戍已校尉異故今不列於表

晉 未置

謹案唐六典稱魏晉之間有都護左右軍都護將軍之號遂廢都護之名晉書稱晉沿魏制置戊巳校尉領護西域似即以校尉攝都護之職總之虛名無實亦與魏相等矣

宋齊梁陳 未置

北魏 未置

謹案魏書官氏志護羌戎中郎將護羌戎校尉

從第三品考西域自魏晉以來互相吞併至是  
時分為四域自蔥嶺以南流沙以西為一域蔥  
嶺以西海曲以東為一域者舌以南月氏以北  
為一域兩海之間水澤以南為一域總計一十  
六國小渠長以百數與漢時出兩道者異太延  
中遣散騎侍郎董琬高明等多齎金帛出鄯善  
招撫諸國則校尉中郎將之設當在是時然諸  
國雖奉朝貢實未能有其土地人民屯田積穀

如漢之校尉都尉故亦不列於表

北齊

未置

後周

未置

隋

未置

謹案鄭樵通志稱煬帝時遣侍御史韋節司隸從事杜行滿使於西國復令聞喜公裴矩於武威張掖間往來以引致之大業中相率來朝者四十餘國帝因置西戎校尉以應接之則亦但

司朝貢之使臣而已非能設官於其地也

唐

新唐書百官志大都護府大都護一人從二品副  
大都護二人從三品副都護二人正四品上長史  
一人正五品上司馬一人正五品下錄事參軍事  
一人正七品上錄事二人從九品上功曹參軍事  
倉曹參軍事戶曹參軍事兵曹參軍事法曹參軍  
事各一人正七品下參軍事三人正八品下上都

護一人正三品副都護二人從四品上長史一人  
正五品上司馬一人正五品下錄事參軍事一人  
正七品下功曹參軍事倉曹參軍事戶曹參軍事  
兵曹參軍事各一人從七品上參軍事三人從八  
品上都護掌統諸蕃撫慰征討叙功罰過總判府  
事

李衛公兵法太宗曰朕置瑤池都督以隸安西都  
護番漢之兵如何處置靖曰天之生人本無番漢

之別然地遠荒漠必以射獵而生由此常習戰鬪  
若我恩信撫之衣食周之則皆漢人矣陛下置此  
都護臣請收漢戍卒處之內地減省糧饋兵家所  
謂治力之法也但擇漢吏有熟番情者散守堡障  
此足以經久或遇有警則漢卒出焉

謹案唐大都護即漢西域都護之制至此不復  
為加官即以都護專稱矣其職如今伊犁將軍  
但皆以親王遙領不置正員於其地為不同耳

然考地理志載建中二年以守北庭李元忠守

安西郭昕並為大都護邇茲傳載田揚名郭元

振張孝嵩杜暹並為安西都護以政績稱安西

亦大都護也權德輿忠武潭公神道碑以工部

尚書為單于大都護則大都護不盡以親王為

之矣蓋親王遙領者厥後定制也故著于百官

志而用惟其人唐初固常以重臣領之未嘗拘

以親王遙領之例也又唐六典大都護府功曹

倉曹屬有府二人史二人戶曹屬有府三人史三人帳史一人兵曹法曹屬有府三人史四人百官志皆不載蓋史闕漏也

唐會要貞觀十四年平高昌於西州置安西都護府

謹案高昌傳貞觀十四年克高昌更置都護府  
龜茲傳貞觀二十三年滅龜茲始徙安西都護  
於其都則安西都護之置當在貞觀年間而唐

六典謂永徽中始置四大都護府與會要及新舊唐書俱不合未詳孰是

舊唐書地理志安西節度使撫寧西域統龜茲焉耆于闐疏勒四國

冊府元龜太宗既破龜茲移置安西都護府于其國城以郭孝恪為都護兼統于闐疎勒碎葉謂之四鎮

謹案新唐書方鎮表先天元年以北庭都護領

伊西節度等使自是安西有節度之號然尚為  
兼銜開元十五年伊西北庭分置二節度而節  
度始為守官不復稱都護矣其制略如今辦事  
大臣也

杜佑通典鎮西節度使統龜茲焉耆于闐疏勒國  
謹案安西節度使自開元十二年後或稱磧西  
或稱四鎮至肅宗至德元載更名鎮西故有鎮  
西節度之號又王應麟玉海乾元三年以葉護

曜為同四鎮節度副使當如今之叅贊大臣也  
自漢以後元以前惟唐於西域設官之地較闊  
然僅自南山抵蔥嶺亦未能跨越山北兼以通  
絕不常羈縻著號則所謂設官其地者僅稍勝  
空名一等耳總未足以方

昭代之盛也

新唐書吐蕃列傳沙州首領張義潮奉瓜沙伊肅  
甘等十一州地圖以獻擢義潮沙州防禦使俄號

歸義軍遂為節度使

李吉甫元和郡縣志高昌王文泰漸失臣禮貞觀十四年詔兵部尚書侯君集統薛萬鈞牛進達等總兵討之文泰病死子智盛立八月君集進兵破之下其二十二城獲戶八千列其地為西州並置安西都護以統之庭州顯慶中重修置以來濟為刺史理完葺焉請州所管諸蕃奉敕皆為置州府以其大首領為都督刺史司馬又置叅將一人知

表疏等事

謹案此亦今回部扎薩克之類以非常設之官  
故不列於表他如資治通鑑載龍朔元年六月  
癸未以吐火羅嚧達罽賓波斯等十六國置都  
督府八並隸安西都護府考諸新唐書地理志  
時自于闐以西波斯以東凡十六國各以其王  
為都督府吐火羅為月氏都督府嚧達為大汗  
都督府阿達羅支為條支都督府解蘇為天馬

都督府骨咄施為高附都督府屬賓為修鮮都  
督府帆延為寫鳳都督府石汗那為悅般州都  
督府護時捷為奇沙州都督府怛沒為姑墨州  
都督府烏拉喝為旅獒州都督府勒建為崑墟  
州都督府俱密為至拔州都督府護密多為烏  
飛州都督府久越得捷為王庭州都督府波斯  
為波斯都督府通鑑言置都督府八者蓋謂月  
支大汗條支天馬高附修鮮寫鳳波斯八都督

府其餘悅般奇沙等府不與也然皆以虛名羈縻仍以其王為都督與臨以王官者迥異故亦不列於表

五季

未置

宋

未置

遼

未置

金

未置

謹案金史地理志金之壤地西歷葭州出臨洮

府會州積石之外與生羌地相錯而夏人界隔  
橫山盡有武威張掖酒泉諸郡自玉門陽關而  
外皆以絕遠不通故金史外國傳祇有西夏而  
西域則未隸版圖焉

元

元史憲宗本紀諾海

蒙古語大也原作訥懷今改

達蘭

蒙古語七十數

也原作塔剌今改

哈瑪爾

蒙古語鼻也原作海麻今改

蘇庫

滿洲語皮也原作速

忽今改

等充巴什伯里

回地名原作別失八里今改

行尚書省事

地理志至元二十年立巴什伯里河州等處宣慰

司河源附錄至元二十一年徹迪爾

原作察帶今改

二城

置達嚕噶齊二十三年遣侍衛新附兵千人屯田

巴什伯里置元帥府即其地以統之

謹案元代版圖雖奄有西域然所滅諸國大抵

以諸王駙馬為行營統軍專鎮一方各有分地

迨中葉以後山川綿邈道路不通與朝廷或不

相知聞史氏亦不能舉其世系名字則幅員雖

廣亦略與唐之羈縻州等特有其地者尚屬天潢之支派為小異耳其稍近內地者乃有行省尚書有宣慰司行省尚書略如今辦事大臣宣慰司掌一方之政有軍旅之事則兼都元帥其次則止為元帥府略如今領隊大臣而已豈如我

國家統馭得宜規模詳備使天山南北二萬餘里如臂指之相維也歟

明  
未置

謹案明洪武初陝西行省員外郎許允德出使  
西番繼又命河州衛遣官招諭諸番稍稍內屬  
然雖受爵中朝而賦稅不上於天子其後哈密  
赤斤諸衛為土魯番所侵不能藩蔽中國而河  
套諸部密邇邊陲者尤患在肘腋禍迫門庭二  
百餘年之中議勦議撫迄無成效卒至邊防弛  
壞寇鈔相尋計具左支右詘之狀幾幾乎河隴

內外求一安枕之地而不得又烏敢議天山兩  
道三十六國之舊跡哉蓋統馭之遠近視乎德  
澤之厚薄威力之強弱德威不足以控御則為  
明代之自救不遑德無所不育威無所不行則  
為我

朝之因明舊疆日啟版宇至我

皇上而拓地二萬餘里使蔥嶺以東納賦供役悉隸  
臣僕建官守土一如郡縣敬觀今所列之職制

因回思前史所載有明一代之邊患同一西陲而盛衰治亂之相懸有不可以道里計者然後

知

聖天子揆文奮武之軌超軼前代萬萬也



欽定歷代職官表卷七十